

**Aningaasanoorutit ilaannit iluanaarutinit agguaassisarneq pillugu Inatsisartut inatsisissaattut siunnersuut.**

(Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq)

**Saqqummiussissut**

(Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq)

**Siullermeerneqarnera**

Aningaasanoorutit ilaannit iluanaarutinit agguaassisarneq pillugu Inatsisartut inatsisissaattut siunnersuut Folketingep Aningaasanoorutit ilaat pillugit Kalaallit Nunaannut inatsisip akuerineqarnera tunuliaqutaralugu suliarineqarpoq. Danskit inatsisaata kinguneraa siunnersuummi oqaatsinik atorneqartunik iluarsaassineq tipsernermit lottornermillu iluanaarutinit pissarsiat agguanneqartarneri maanna allanngortinneqassammat aningaasanoorutit ilaannit iluanaarutinit agguaassisarnermut. Siunnersuut taamaammat pinngorpoq kissaatigineqarmat aningaasanoorutit ilaannit iluanaarutinit agguaassisarnerup inatsisitigut tunngaviata erseqqissaavigineqarnissaa. Imarisamigulli annertunerusumik inatsisissatut siunnersuut Tipsernermit lottornermillu iluanaarutinit agguaassisarneq pillugu Inatsisartut inatsisaannit maanna atuuttumik ingerlatitseqqinneruvoq.

Siunnersuut aammattaaq pinngorpoq aningaasanoorutit ilaannit iluanaarutinit pissarsianiit tapiiffigineqarsinnaasut, tapeeriaatsit, tapiinermi piumasaqaatit tapiinermilu atugassarititaasut pillugit killigitat erseqqissarnissaannik kissaateqarneq tunngavigalugu. Erseqqissaaneq Naalakkersuisut tamatumunnga nalunaarusiornerisigut piimaarpoq.

Taamatut oqaaseqarlunga siunnersuut Inatsisartunut suliassanngortippara.